



KOMUNA E PRISHTINËS

RAPORT

Drejtoria	Drejtoria e Shëndetësisë
Periudha Raportuese	Qershor, 2020
Emri dhe mbiemri i raportuesit	Dr. Bujar Gashi, drejtor i DSH-së
Përgatitur	Dr. Fatlinda Hoxha, zyrtare për shëndetësi, DSH

1. PËRMBLEDHJE

Përmbledhje e përgjithshme rreth mbarëvajtjes/ecurisë së punës në drejtorinë tuaj për muajin raportues.

Gjatë muajit qershor 2020, Drejtoria e Shëndetësisë ka pranuar lëndë të ndryshme për t'i shqyrtuar nga komisioni profesional. Stafi në këtë drejtori ka pasur takime të përditshme me qytetarë, për t'u njoftuar me procedura dhe shërbime sipas interesit dhe kërkesave të tyre.

2. AKTIVITETET E PLANIFIKUARA

Listoni aktivitetet për muajin raportues, të parapara sipas planprogramit të Komunës për drejtorinë tuaj:

- Renovime dhe përmirësimeve të infrastrukturës në objekte shëndetësore;
- Monitorim dhe mbështetje të aktiviteteve bazuar në kontratat aktive;

- Monitorimi i mbarëvajtjes së punës në përditshmëri të personelit shëndetësor në QKMF dhe njësitë e saj, si dhe në QMU;
- Identifikimi i nevojave për përmirësimin e shërbimeve shëndetësore në kuadër të KPSH-së;
- Inicimi i përgatitjeve administrative, zbatimi i planprokurimit, 2020;
- Përpilimi i raporteve të ndryshme në kuadër të Drejtorisë.

3. AKTIVITETET E IMPLEMENTUARA

Listoni dhe shpjegoni aktivitetet e implementuara gjatë periudhës raportuese nga drejtoria juaj, duke përfshirë edhe aktivitetet që janë në implementim e sipër. Theksoni të arriturat e drejtorisë:

- Identifikimi i nevojave rreth përpilimit të specifikave:
 - Renovimi dhe përmirësimi i infrastrukturës së objekteve shëndetësore KPSH;
 - Furnizim me inventar për nevojat e objekteve shëndetësore – KPSH;
 - Furnizim me pajisje mjekësore – KPSH;
- Monitorim i aktiviteteve:
 - Renovimi dhe përmirësimi i infrastrukturës së objektit QMU;
 - Faza e dytë – Dezinsektimi hapësinor në komunën e Prishtinës, si dhe faza e tretë për të vazhduar në muajin korrik;
- Përfundim i specifikave për aktivitetin:
 - Sigurimi i automjeteve të QKMF-së dhe QMU-së;
 - Renovimi dhe përmirësimi i infrastrukturës së objekteve shëndetësore;
- Publikim për ofertim:
 - Grumbullimi, transportimi dhe asgjësimi i mbetjeve mjekësore KPSH;
 - Pastrimi dhe mirëmbajtja e objekteve në QKMF dhe QMU;
 - Sigurimi fizik për objekte shëndetësore publike (QKMF dhe QMU);
- Përcaktim i stafit vlerësues për aktivitetin:
 - Grumbullimi, transportimi dhe asgjësimi i mbetjeve mjekësore KPSH;
- Monitorimi i mbarëvajtjes së përditshmërisë të personelit shëndetësor në QKMF dhe njësitë e saja si dhe në QMU;
- Takime të vazhdueshme me menaxhmentin QKMF dhe QMU në lidhje me përditshmërinë e punës me qytetarë;
 - Në prioritet, ndërmarrjen e masave preventivë rreth parandalimit të korona virusit;
 - Njoftim i vazhdueshëm rreth riorganizimit të personelit shëndetësor mbi gatishmërinë e përhapjes së Corona-virusit;
- Në QKMF, QMF V dhe QMF IV, shërbimet u ofruan 24 orë, ndërkaq QMF tjera ofruan shërbime 7:00 – 19:00; Puna u organizua në tri ekipe (një ditë punë 12 orësh – dy ditë pushim);
- Vazhdon të qëndrojë në oborrin e Qendrës Kryesore të Mjekësisë Familjare tenda që shërben për triazhimin e pacientëve të cilët kishin simptoma të COVID-19;

Gjithashtu në këto hapësira janë marrë mostrat të dyshimta në virusin SARS-CoV-2 në kohën 10:00 deri në orën 13:00, për t'u testuar;

- Udhëzimet rreth mbrojtjes së qytetarëve dhe stafit nga [#covid19](#) vazhduan të jenë në hyrje të objekteve shëndetësore të KPSH-së;
- Gatishmëri e 4 ekipeve të QMU-së dhe 5 veturave për transportimin e pacientëve të dyshuar dhe pozitiv në [#covid19](#);
- Dërgimi i ekipeve mjekësore 24/7 në pikën kufitare Mutivode;
- Organizimi 24/7 i pikës në Qendrën studentore, apo karantina kryesore në nivel të vendit;
- Dezinfektim i të gjitha objekteve shëndetësore KPSH, si dhe dezinfektim të vazhdueshëm në objektet me frekuencim më të shpeshtë nga qytetarët, e në veçanti QKMF dhe Tenda;
- Tuneli dezinfektues vazhdon të qëndroj në oborrin e Qendrës Kryesore të Mjekësisë Familjare, pranë tendës së triazhimit, si masë mbrojtëse shtesë për parandalimin e përhapjes së [#covid19](#).
- Personel shëndetësor përveç në objekte shëndetësore publike KPSH, ishte i angazhuar me përkushtim edhe në:
 - Karantinën e Qendrës Studentore;
Tendën në oborrin e QKMF; Nga data 27.03.2020: orari i punës 07:00 – 13:00, 13:00-19:00, 19:00- 07:00, tri ekipe (Mjeku Familjarë dhe Infermiera);
 - Qendra e Mjekësisë Urgjente me 4 ekipe;
 - Pika kufitare në Mutivodë, filluar nga data 09.03.2020, me orar 07:00 – 20:00 dhe 19:00 – 7:00, prandaj u organizuan dy ekipe (mjeku familjarë dhe infermiera);
 - AMF e Studentëve;
- Gatishmëri ofrimi të shërbimeve shëndetësore 24/7 e personelit shëndetësore QMU, gjithmonë duke respektuar masat mbrojtëse individuale;
- Gjatë muajit qershor ishin 616 raste pozitive me [#covid19](#);
- Qendra e Mjekësisë Familjare u furnizuan me lule kopshti.

4. AKTIVITETET NË IMPLEMENTIM E SIPËR

Të përshkruhen në detaje aktivitetet që janë në implementim e sipër nga drejtoria juaj për muajin raportues:

- Identifikimi i nevojave për ofrimin e shërbimeve shëndetësore cilësore edhe gjatë gjendjes emergjente, si pasojë e pandemisë globale;
- Identifikimi i nevojave për lehtësimin e punës së përditshme të personelit shëndetësorë edhe gjatë gjendjes emergjente, si pasojë e pandemisë globale;
- Përgatitje teknike rreth vlerësimit të lëndëve lidhur me subvencioneve – shëndetësore.

5. STATISTIKAT

Të listohen të gjitha statistikat përkatëse për drejtorinë tuaj, duke filluar nga buxheti i planifikuar dhe ai i shpenzuar për periudhën raportuese, diskutimet publike, takimet me palë, institucione, qytetarë e të ngjashme, kërkesat për qasje në dokumente zyrtare, lëndët e pranuar, të kryera dhe në përfundim e sipër, dhe statistika të tjera specifike që mund të ketë drejtoria juaj. Shtoni kategoritë sipas nevojës.

5.1.1. Buxheti i planifikuar dhe ai i shpenzuar për periudhën raportuese

Fondi burimor	Planifikuara	Alokuara	Shpenzuara	Nr. i Lëndëve
Pagat	7,140,000	522,366.60		
Mallra dhe shërbime	1,360,000			
10	622,047.00	505,000.00	107,767.03	34
21	387,953.00		13,374.78	18
Komunali	310,000.00	155,000.00	59,502.95	122
Subvencione	1,200,000.00	50,000.00	26,330.00	114
Kapitale	1,190,000.00			
21		425,000.00	34,220.00	1
22		599,738.46	124,875.25	3
gjithsej		2,257,105.06	366,070.01	292

- Raport - deklarim i borxheve më të vjetra se 30 ditë;
- Deklarimi për ATK-në;
- Raport mujor për shpenzimet e realizuara dhe të hyrat nga bashkëpagesat për shërbime shëndetësore;
- Raport për bartje të mjeteve për Drejtorin e Financave;
- Raportimi i detyrimeve për përgatitjen e pasqyrave financiare;
- Pranim të faturave dhe arkivimi i tyre;
- Përgatitja e dokumenteve të nevojshme për procedim të mëtutjeshëm;
- Zotimi;
- Dërgimi i lëndëve për procedim të mëtutjeshëm në Prokurim dhe Financa;
- Përgatitja e deklaratave të disponueshmërisë për procedura të prokurimit.

5.1.2. Takimet me palë.

5.1.3. Takimet me institucione të tjera:

- Drejtoria e Investimeve Kapitale;
- Drejtoria e Prokurimit;
- Drejtoria e Arsimit;
- Drejtoria e Parqeve;
- Drejtoria e Planifikimit Strategjik dhe Zhvillimit të Qëndrueshëm - Sektori për planifikim.

5.1.4. Diskutime Publike/Takimet me qytetarë

Raportime të përditshme me media lokale: RTV 21, RTV Dukagjini, TV Klan dhe RTK.

5.1.5. Kërkesat për qasje në dokumente zyrtare

5.1.6. Lëndët e pranuar, të kryera dhe në përfundim e sipër.

5.1.7. Përfitues të subvencioneve:

Komisioni për subvencione miratoi 120 përfitues.

5.1.8. Takime të tjera

- MSH,
- IKSHIP

6. SFIDAT

Nëse gjatë implementimit të planeve është hasur në vështirësi të ndryshme, p.sh. pengesa brenda Drejtorisë, Komunës apo institucioneve të ndryshme, ju lutem shpjegoni në këtë hapësirë:

- Mungesa e stafit në DSH;
- Mungesa e shefit të DSH tani e sa vjet;
- Mungesa e stafit shëndetësor në objektet KPSH;
- Trajnime të ndryshme të personelit - DSH - përgjegjësitë e përditshme zyrtare;
- Numri jo i mjaftueshëm i stafit shëndetësor, bazuar në nevoja të qytetarëve;
- Buxhet jo i mjaftueshëm, sidomos për kategorinë "Mallra dhe shërbime", ku me rritjen e numrit të pacientëve dhe shërbimeve, rrezikojmë shërbimet e vazhdueshme deri në fund të vitit.

7. AKTIVITETET E PLANIFIKUARA PËR PERIUDHËN PASUESE

- Përgatitjet për publikimet e tenderëve bazuar në planin e prokurimit;
- Monitorim i përditshmërisë së personelit për të ndikuar në shërbime shëndetësore cilësore dhe të qasshme;
- Pjesëmarrje në aktivitete të ndryshme profesionale.

8. TË TJERA

Shënoni çështjet tjera që mendoni se janë me rëndësi të raportohen e që nuk kanë qenë të përfshira në pikat e mësipërme

QENDRA KRYESORE E MJEKESISE FAMILJARE

RRJEDHA E PUNËS

Ka vazhduar organizimi i brendshëm, i përshtatur me situatën epidemiologjike, për ofrimin e shërbimeve shëndetësore. Në shumicën e Qendrave të Mjekësisë Familjare është zbatuar orari i punës prej: 07:00 – 19:00, derisa në QKMF, QMF V dhe QMF IV puna ka vazhduar pa ndërprerje për 24 orë. Puna është organizuar në tri ekipe (një ditë punë 12 orësh – dy ditë pushim). Ky organizim i punës është bërë për të përballuar nevojat dhe kërkesat për zbatimin e masave, rekomandimeve dhe obligimeve tona kundruall parandalimit dhe frenimit të pandemisë COVID-19, përkundër mungesës së numrit të mjaftueshëm të personelit.

Ekipet kujdestare (mjeku familjar dhe infermiera) në pikën kufitare Mutivodë, kanë vazhduar kujdestarinë 24 orëshe, deri më 29 qershor 2020, në pamundësi për të siguruar ekipin kujdestar më gjatë, për shkak të rasteve të stafit me infeksion me COVID 19 dhe atyre të izoluar. Pas njoftimit të MSH, është ndërprerë kujdestaria që nga 29 qershor 2020; Ekipet kujdestare në tendë – QKMF dhe në AMF në Qendrën e Studentëve janë tërhequr nga 1 qershor 2020.

Ndërkohë, gjatë javës së fundit të qershorit 2020, kemi regjistruar rastet e para të infeksionit me COVID 19 në mesin e stafit mjekësorë (12 raste deri më 30 qershor 2020) dhe ishin të detyruar që të izolojmë 70 punonjës (përfshirë të konfirmuarit). Për këtë arsye disa QMF kaluan në orar 8 orësh (08:00 – 16:00), në mungesë të stafit dhe me qëllim të mbështetjes së qendrave që punojnë në ndërrime 12 orëshe (QKMF, QMF 2, 4, 5, 6 Besi dhe Hajvali).

Në të gjitha Qendrat e Mjekësisë Familjare, në hyrje janë vendosur ekipet e përbëra nga (mjeku familjar dhe infermiera) për triazhimin e pacientëve. Gjatë kësaj periudhe kohore është kërkuar nga personeli shëndetësorë ndërprerja e shfrytëzimit të pushimeve vjetore dhe rritja e kujdesit dhe kritereve për shfrytëzimin e pushimeve mjekësore.

Vazhdimisht janë bërë vizita monitoruese, duke vizituar të gjitha Qendrat e Mjekësisë Familjare (ndërrimi i paraditës, pasditës dhe ndërrimi i natës) ku janë konstatuar të gjeturat vijuese:

- ✓ Të gjithë ishin në vendet e tyre të punës;
- ✓ Respektohen rregullat e përgjithshme;

- ✓ Furnizimi me pajisje dhe masa mbrojtëse ishte i mirë;
- ✓ Masat parandaluese në nivelin e duhur;
- ✓ Të gjithë të pajisur me masa mbrojtëse (maska, dorëza, dezinfektues);
- ✓ Në të gjitha Qendrat vërehej rënie e numrit të pacientëve;
- ✓ Pastërtia qëndron në nivel të lartë.

Poliklinika e Stomatologjisë dhe Shërbimi stomatologjik – Vazhdon puna në QMF II, QMF IV, QMF V, Poliklinika e Stomatologjisë. Orari i punës: 07:00 – 19:00, puna është e organizuar në tri ekipe; një ditë punë 12 orëshe, dy ditë pushim.

Shërbimi i vaksinimit – Që nga 1 qershori 2020, ka vazhduar punën me orar të rregullt dhe ka vazhduar vaksinimi i fëmijëve të porsalindur me BCG, Hepatit dhe vaksinimi i personave të lënduar me TeAl dhe Tetabulinë.

Shërbimi laboratorik – Përveç shërbimeve laboratorike të rregullta, është mundësuar edhe marrja e strishove në tendën para objektit të QKMF-së, nga ora 10:00 deri në orën 13:00. **Gjatë muajit qershor 2020 janë marrë 1457 mostra.**

Të tjera:

Deri më 30 qershor 2020, në QKMF me njësitë e saj kishim 70 punonjës shëndetësorë të izoluar, prej të cilëve 12 të konfirmuar si pozitiv në COVID 19 (shih listën e bashkangjitur për përdorim të brendshëm)!

REKOMANDIME

1. Shpallja e konkursit për pranim të punonjësve të rinj, për shkak të pozitave të mbetura bosh nga pensionimi i stafit (rreth 40 pozita);
2. Planifikimi i nevojave për PPM dhe pajisjeve tjera medicinale për përballimin e valës së dytë të pandemisë me COVID-19 në vjeshtë.

TË TJERA:

Gjatë këtij muaji janë pranuar donacione nga zyra e UNICEF-it në Kosovë, pajisje personale mbrojtëse dhe dezinfektues. Donacione të tilla janë pranuar edhe nga projekti HOPE-CMS dhe Ambasada e SHBA-së në Kosovë, si dhe nga OJQ “Bane vet”.

REKOMANDIME

3. Marrë parasysh fluksin e vogël të udhëtarëve në pikëkalimin kufitar në Mutivodë, propozojmë tërheqjen e ekipit kujdestarë nga QKMF prej kësaj pike, edhe për shkak të mungesës së personelit;
4. Shpallja e konkursit për pranim të punonjësve të rinj, për shkak të pozitave të mbetura bosh nga pensionimi i stafit (rreth 40 pozita);
5. Planifikimi i nevojave për PPM dhe pajisjeve tjera medicinale për përballimin e valës së dytë të pandemisë me COVID-19 në vjeshtë.

QENDRA E MJEKESISE URGJENTE

Qendra e Mjekësisë Urgjente – Prishtinë, gjatë muajit qershor 2020, ka vazhduar të ofrojë shërbime urgjente për të gjithë banorët e Prishtinës dhe fshatrave që i takojnë komunës, nëpërmes Shërbimit të Urgjencës Mjekësore në teren, me 4 ekipe mjekësore, përmes autoambulancave. Duke marrë parasysh se është përcjellë rreziku i përhapjes së COVID -19 në Kosovë, por edhe në regjion (shtetet përreth), stafi mjekësorë vazhdon të respektojë masat mbrojtëse të vigjilencës dhe sigurisë në punë.

Nga Ministria e Shëndetësisë, në formën elektronike është pranuar Manual për mbrojtje nga përhapja e virusit Covid-19.

Furnizimi me materiale, doreza, maska kirurgjikale, maska me filtër, veshje, dezinfektues, alkool, mantel kirurgjikalë, syze mbrojtëse, mburoja për fytyrë, kalaqe u siguruan nga MSH - Departamenti Farmaceutik, Drejtoria e Shëndetësisë dhe disa donacione të tjera.

QMU me ekipet e veta prej fillimit të pandemisë trajtoi edhe raste me Covid 19, përderisa rasteve të rënda u është ofruar transport në Klinikën Infektive të QKUK-së. Gjithashtu, pacientëve të shëruar ose pacientët me deklarata për vetizolim, me kërkesë të mjekëve nga Klinika, u transportuan deri në shtëpi. Pas çdo transporti të pacientëve të dyshimtë me Covid-19, autoambulancat janë dezinfektuar.

Sipas Ministrisë së Shëndetësisë dhe miratimit të Drejtorisë së Shëndetësisë, ekipet mjekësore kanë kujdestaruar në kohëzgjatje 12 orëshe në pikën kufitare Mutivodë, prej datës 9 mars, dhe këto kujdestari kanë vazhduar deri më 29 qershor. Ekipi mjekësor përbëhej nga mjeku, infermieri i QKMF-së dhe infermieri vozitës ose vozitësi me autoambulancë i QMU-së. Ekipet e QMU-së vazhduan intervenimet e rregullta në terren, numri i së cilave gjatë 24 orëve sillej prej 70 deri 80 raste brenda 24 orëve.

Në kuadër të Edukimit të vazhdueshëm profesional, u realizuan tri ligjërata, përmes platformës elektronike online ZOOM, dy ligjërata janë realizuar përmes Shoqatës MIA, ndërsa një ligjëratë është mbajtur nga prof. dr. Armend Agolli, neurokirurg.

Shërbimet dhe vizitat shëndetësore në QMU – qershor 2020.

Viz. Mj. urgj. në terren	1278
Vizita mjekësore në QMU	10
Shërbimi i kirurgjisë së vogël	0
Shërbimi i reanimi.	6
Shërbimi gjysmëinten.	5
Shërbimi i infermierisë	8
Aksidentet	77
Fatkeqësitë	78
Shërbimi laboratorik	0
EKG	81
Transportet	250
Konstatim vdekjeje	45
GJITHSEJ	1792

